

Sut y byddwn yn helpu i sicrhau dyfodol addoldai'r DU

10/09/2024



Eglwys St Mary's yn Totnes.

Rydym yn disgwyl buddsoddi £100miliwn mewn eglwysi, capeli, synagogau, gurdwaras a mwy dros y tair blynedd nesaf.

Yn ein [Strategaeth Treftadaeth 2033](#) gwnaethom nodi addoldai fel treftadaeth mewn angen, y mae newidiadau yn y sector a bylchau yn y cymorth wedi effeithio arnynt. Rydym wedi ymrwymo i'w helpu i fynd i'r afael â'r heriau y maent yn eu hwynebu a sicrhau eu bod yn asedau cymunedol cydnherth am genedlaethau i ddod, trwy amrywiaeth o ddulliau. Gall unrhyw addoldy yn y DU wneud cais am arian

Grantiau Treftadaeth y Loteri Genedlaethol.

Ariannu wedi'i neilltuo i fynd i'r afael â materion cyffredin ar raddfa fawr

Bydd ein menter strategol Treftadaeth Mewn Angen: Addoldai a gyflwynwyd ym mis Gorffennaf yn buddsoddi £15 miliwn i gefnogi prosiectau mawr sy'n mynd i'r afael ag anghenion a heriau eang. Drwy hyn, rydym am wneud treftadaeth yn y sector hwn yn fwy cynaliadwy a diogel.

Rydym yn gwahodd sefydliadau ar draws y DU sy'n gwybod addoldai orau i ddyfeisio a chyflwyno prosiectau strategol ar lefel genedlaethol a rhanbarthol. Rydym am gefnogi prosiectau sy'n canolbwyntio ar gynnaladwyedd a chyflymu syniadau ac ymyriadau newydd.

Ewch i'n [tudalen mentrau strategol](#) i gael gwybod sut i wneud cais am ariannu Treftadaeth mewn Angen: Addoldai.

Mae ein strategaeth newydd yn ein hymrwymo i weithio gyda phawb sy'n pryderu am ddyfodol addoldai er mwyn sicrhau y gofali'r amdanynt ac y cânt eu gwerthfawrogi a'u cynnal ar gyfer pawb.

Simon Thurley, Cadeirydd Cronfa Treftadaeth y Loteri Genedlaethol

Hwb i grantiau cadwraeth

Ein dyfarniad cyntaf drwy'r fenter strategol hon yw £4.68m i ehangu Cynllun Grantiau Cadwraeth Eglwys Loegr. Bydd ein cefnogaeth yn helpu i ariannu atgyweiriadau i adeiladau, gwarchod rhannau mewnol eglwysi a hyfforddi cenhedlaeth newydd o arbenigwyr crefftau treftadaeth dros y pum mlynedd nesaf.

Dywedodd Emily Gee yn Eglwys Loegr: "Rydym yn hynod ddiolchgar i'r Gronfa Treftadaeth am y dyfarniad hynod hael hwn y mae mawr ei hangen ar gyfer adeiladau eglwysig.

"Bydd yn ein galluogi i ehangu ein cefnogaeth i blwyfi yn eu gwaith hanfodol i warchod ein treftadaeth ddiwylliannol a drysorir, gan gynnwys cadwraeth gwydr lliw, paentiadau wal, clociau, clychau, paentiadau a henebion."



Gwneud cais am Grantiau Treftadaeth y Loteri Genedlaethol

Gall unrhyw addoldy yn y DU, beth bynnag ei grefydd neu enwad, wneud cais am grantiau rhwng £10,000 a £10m.

Ein nod yw helpu'r rhai sy'n gofalu am addoldai i wella eu cyflwr a chyfarparu'r sector â'r arbenigedd, y bobl a'r sgiliau a rennir sydd eu hangen i ofalu am y dreftadaeth hon yn y dyfodol. Rydym hefyd eisiau i addoldai gyflawni eu potensial fel hybiau ar gyfer gweithgarwch cymunedol a dathlu treftadaeth. Rhagwelwn y byddwn yn dyfarnu grantiau gwerth tua £85m i gefnogi'r uchelgais hwn dros y tair blynedd nesaf.

Cymerwch eich camau cyntaf i wneud cais:

- archwilio ein [canllawiau arfer da](#) ar bynciau o gynllunio cadwraeth i hyfforddiant a datblygu sgiliau
- cael eich ysbrydoli gan astudiaethau achos o [addoldai](#) rydym wedi'u hariannu
- darllen ein [harweiniad ymgeisio](#)
- pan fyddwch yn barod, cyflwyno [ymholiad prosiect](#) neu [fynegiad o ddiddordeb](#) i gael cyngor gan ein timau lleol



Eglwys St Hilda's yn Hartlepool.

Helpu gwerthfawrogi a gofalu am dreftadaeth a'i chynnal ar gyfer pawb

Bydd ein buddsoddiad cyfun o £100m yn adeiladu ar etifeddiaeth o gefnogaeth i addoldai sydd wedi ein gweld yn buddsoddi mwy na £1biliwn ynddynt ers 1994.

Dywedodd Simon Thurley, Cadeirydd Cronfa Treftadaeth y Loteri Genedlaethol: “Addoldai yw rhai o adeiladau mwyaf hanesyddol y DU, yn aml wrth galon cymunedau. Mae llawer o heriau, rhai newydd a rhai sydd wedi bodoli ers tro, yn wynebu’r lleoedd hyn.

Mae ein strategaeth newydd yn ein hymrwymo i weithio gyda phawb sy’n pryderu am ddyfodol addoldai er mwyn sicrhau y gofalir amdanynt ac y cânt eu gwerthfawrogi a’u cynnal ar gyfer pawb. Rydym yn edrych ymlaen at weithio gyda sefydliadau yng Nghymru, Lloegr, Yr Alban a Gogledd Iwerddon dros y tair blynedd nesaf i’w cefnogi i fynd i’r afael â’r problemau y maent yn eu hwynebu.”

Cael y newyddion diweddaraf ar addoldai

I glywed mwy gan y Gronfa Treftadaeth:

- dilynwch ni ar [Twitter](#), [Facebook](#), [LinkedIn](#) ac [Instagram](#)
- [cofrestrwch i gael ein cylchlythyr](#)



Ardebydd hefyd mewn ...

[Members of Wells Cathedral’s Vicars’ Choral stand outside their homes on Vicars’ Close. Photo: © Mark Pickthall.](#)



[Street receive £7.4million](#)

[A Natterer's bat flying inside the roof of St Lawrence church, Radstone. Credit: Chris Damant, Bernwood Ecology.](#)



[h communities care for their bats](#)

[Croesawu ymwelwyr i Eglwys Sant Tydecho yng Ngwynedd, Cymru. Credyd: Ymddiriedolaeth Eglwysi Genedlaethol](#)

[£1.9 miliwn i gynyddu cydnerthedd addoldai](#)